

АКАФИСТ

СВЯТИТЕЛЮ
НИКОЛАЮ,
архиепископу Мирликийскому,
чудотворцу



Издательство Московской Патриархии
Русской Православной Церкви
Москва 2018

УДК 27-528
ББК 86-372
А38

Рекомендовано к публикации
Издательским советом
Русской Православной Церкви
ИС Р18-815-3305

**Акафист святителю Николаю,
архиепископу Мирликийскому, чудотворцу.** — М.: Издательство Московской Патриархии Русской Православной Церкви, 2018. — 56 с.

ISBN 978-5-88017-701-1

© Издательство Московской
Патриархии Русской
Православной Церкви, 2018



**АКАФИСТ
СВЯТИТЕЛЮ НИКОЛАЮ,
АРХИЕПИСКОПУ
МИРЛИКИЙСКОМУ,
ЧУДОТВОРЦУ**

Кондак 1

В озбранный чудотворче и
изрядный угóдниче Хри-
сто́в, ми́ру все́му исто-
ча́й многоце́нное ми́лости ми́ро
и неисчерпа́емое чуде́с мо́ре, вос-
хваля́ю тя любóвию, святителю

Нико́лае: ты же, я́ко имéяй дерзновéние ко Го́споду, от вся́ких мя бед свободи́, да зову́ ти:

Ра́дуйся, Нико́лае, вели́кий чудотво́рче.

И́кос 1

Ангела о́бразом, земна́го су́ща
нестествóм, яви́ тебе́ всея́ тва́ри
Созда́тель; благопло́дную бо до-
бро́ту ду́ш тво́ея прови́дев, пре-
блаже́нне Нико́лае, научи́ всех
вопи́ти тебе́ си́це:

Ра́дуйся, от утробы́ ма́терния
очище́нный; ра́дуйся, да́же до
конца́ освяще́нный.

Ра́дуйся, рождéнием своимъ ро-
дите́лей удививый; ра́дуйся, си́лу

душе́вную а́бие по рождестве́
явивый.

Ра́дуйся, са́де земли́ обетова́-
ния; ра́дуйся, цве́те Божестве́н-
наго сажде́ния.

Ра́дуйся, лозо́ добродéтельная
виногра́да Христо́ва; ра́дуйся,
дре́во чудото́чное ра́я Иису́сова.

Ра́дуйся, крине́ райскаго про-
зябе́ния; ра́дуйся, ми́ро Христо́ва
благоуха́ния.

Ра́дуйся, я́ко тобо́ю отго́нит-
ся рыда́ние; ра́дуйся, я́ко тобо́ю
принóсится ра́дование.

**Ра́дуйся, Нико́лае, вели́кий
чудотво́рче.**

Конда́к 2

Рѣдяще твоѣх мир излияние,
Богомудре, просвещаемся ду-
шáми и телесы́, дѣвнаго тя миро-
тѣчца живонѣсна, Никѣлае, разу-
мѣюще: чудесы́ бо, яко вода́ми,
благодáтию Бѣжиею излива́ю-
щимися, напаяеши вѣрно вопию́-
щих к Бѣгу: Аллилу́ия.

И́кос 2

Рáзум неурзумѣнный вразум-
ляя о Святѣй Трѣице, был еси́
в Никѣи со святы́ми отцы́ побѣр-
ник исповѣдания правосла́вныя
вѣры: равна бо Отцу́ Сы́на испо-
ведал еси́, Соприсносу́щна и Со-

престо́льна, А́рия же безу́мнаго
обличил еси́. Сего́ ра́ди вѣрнии
научи́шася воспева́ти тебѣ:

Ра́дуйся, вели́кий благоче́стия
сто́лпе; ра́дуйся, вѣрных прибе́-
жища гра́де.

Ра́дуйся, твѣрдое Правосла́вия
укреплѣние; ра́дуйся, честнѣе Пре-
святы́я Трѣицы носило и похва-
лѣние.

Ра́дуйся, Отцу́ равночѣстна Сы́на
проповѣдавый; ра́дуйся, А́рия
возбесѣвшагося от Собѣра свя-
ты́х отгна́вый.

Ра́дуйся, ѡтче, отцевъ сла́вная
красото́; ра́дуйся, всех богомуд-
рых премудрая добро́то.

Ра́дуйся, о́гненная словеса́ испу́ща́яй; ра́дуйся, до́брое ста́до свое́ наставля́яй.

Ра́дуйся, я́ко тобо́ю ве́ра утвержда́ется; ра́дуйся, я́ко тобо́ю е́ресь низлага́ется.

Ра́дуйся, Нико́лае, вели́кий чудотво́рче.

Конда́к 3

Глаголю, да́нную ти свѣ́ше, слѣзу всѣ́ку отъя́л еси́ от лица́ лю́те стра́ждущих, богонóсе о́тче Нико́лае: а́лчущим бо яви́лся еси́ корми́тель, в пучи́не морсте́й су́щим изря́днѣй прави́тель, недугующим исцелѣ́ние и всем всяк

помощник показáлся еси́, вопи́ющим Бо́гу: Аллилу́ия.

И́кос 3

Име́яше вои́стину, о́тче Нико́лае, с Небесе́ песнь тебе́ воспева́ема бы́ти, а не от земли́: ка́ко бо кто от челове́к возмо́жет твое́я святы́ни вели́чия проповѣ́дати? Но мы, любóвию твое́ю побежда́еми, вопие́м ти си́це:

Ра́дуйся, о́бразе а́гнцев и па́стырей; ра́дуйся, свято́е очисти́лице нра́вов.

Ра́дуйся, добродѣ́телей вели́ких вмести́лице; ра́дуйся, святы́ни чи́стое и честно́е жили́ще.

Ра́дуйся, свети́льниче всесвѣт-
лый и вселюбимый; ра́дуйся,
свѣте златоза́рный и непоро́ч-
ный.

Ра́дуйся, досто́йный А́нгелов
собесе́днице; ра́дуйся, до́брый
челове́ков наста́вниче.

Ра́дуйся, пра́вило ве́ры благо-
честивыя; ра́дуйся, о́бразе кро́то-
сти духо́вныя.

Ра́дуйся, я́ко тобою́ от страсте́й
телесныхъ избавля́емся; ра́дуйся,
я́ко тобою́ сла́достей духо́вныхъ
исполня́емся.

Ра́дуйся, Нико́лае, вели́кий
чудотво́рче.

Конда́к 4

Бу́ря недоуме́ния смуща́ет ми
шум, ка́ко досто́йно есть пе́ти
чудеса́ тво́я, блаже́нне Нико́лае;
никто́же бо мо́жет я́ исчести́, а́ще
бы и мно́ги язы́ки имѣл и гла-
го́лати восхоте́л; но мы дивно́
Бо́гу, в тебѣ прославля́ющемуся,
дерза́ем воспева́ти: Аллилу́ия.

И́кос 4

А́льшаша, богому́дре Нико́лае,
блѣжнии и да́льнии вели́чие
чудесъ твои́х, я́ко по возду́ху лёг-
кими благода́тными крила́ми на-
вы́кл еси́ су́щих в беда́х предва-
ря́ти, ско́ро от техъ избавля́я всехъ
вопию́щих к тебѣ тако́вая:

Ра́дуйся, избавле́ние от печа́ли; ра́дуйся, пода́яние благода́ти.

Ра́дуйся, неча́емых зол прого́нителю; ра́дуйся, жела́емых бла́гих насади́телю.

Ра́дуйся, ско́рый утёшителю в бедé су́щих; ра́дуйся, стра́шный наказа́телю обидящих.

Ра́дуйся, чудес пучи́но, Бо́гом излия́нная; ра́дуйся, зако́на Христа́ва скрижа́ли, Бо́гом пи́санныя.

Ра́дуйся, кре́пкое па́дающих возведе́ние; ра́дуйся, пра́во стоя́щих утвержде́ние.

Ра́дуйся, я́ко тобо́ю всякая лесть обнажа́ется; ра́дуйся, я́ко тобо́ю всякая и́стина сбыва́ется.

Ра́дуйся, Нико́лае, вели́кий чудотво́рче.

Конда́к 5

Боготéчная звезда́ яви́лся еси́, наста́вляя по мо́рю пла́вающих лю́те, и́мже смерть предсто́яше вско́ре ино́гда, а́ще не быты предста́л еси́ призыва́ющим тя в по́мощь, чудотво́рче святы́й Нико́лае; уже́ бо несты́дно бесом лета́ющим и погрузи́ти корабли́ хотя́щим запрети́в, отгна́л еси́ их, ве́рныя же научи́л еси́ спаса́ющему тобо́ю Бо́гу взыва́ти: Аллилу́ия.

Икос 5

Ридеша отроковицы, на брак
скверный нищеты ради уго-
тованныя, великое твоё к нищим
милосердие, преблаженне отче
Николае, егда старцу родителю
их ноцию узелцы три злата тая-
ся подал еси, самаго со дщерьми
избавляя от падения греховнаго.
Того ради слышиши от всех сиче:

Радуйся, милости превеликия
сокровище; радуйся, промышлен-
ия о людех приятелище.

Радуйся, пище и отрадо к те-
бе прибегающих; радуйся, хлебе
неснедаемый алчущих.

Радуйся, богатство, бедне жи-
вущим на земли Богом данное;

радуйся, воздвижение скорое убо-
гих.

Радуйся, быстрое нищих слы-
шание; радуйся, скорбящих при-
ятное попечение.

Радуйся, трёх дев непороч-
ный невестителю; радуйся, чис-
тоты усердный хранителю.

Радуйся, ненадёжных надея-
ние; радуйся, всего мира наслаж-
дение.

Радуйся, Николае, великий
чудотворче.

Кондак 6

Проповедует мир весь тебе, пре-
блаженне Николае, скорого в
бедах заступника: яко многажды

во еди́ном часе́ по земли́ путеше́ствующим и по мо́рю пла́вающим, предва́ря, по́собо́ствуеши, кúпно всех от злых сохра́няя, вопи́ющих к Бо́гу: Аллилу́ия.

И́кос 6

Возсия́л еси́ свет живо́тный, изба́вление нося́ воево́дам, непра́ведную смерть прия́ти иму́щим, тебе́, до́брый па́стырю Нико́лае, призы́вающим, егда́ вско́ре я́влься во сне царéви, устраши́л еси́ егó, сих же неврежде́нных отпу́стити повелéл еси́. Сего́ ра́ди с ни́ми кúпно и мы благода́рственнó вопиéм ти:

Ра́дуйся, усер́дно призы́вающим тя помога́яй; ра́дуйся, от непра́веднаго убиéния изба́вляяй.

Ра́дуйся, от ле́стных сохра́няяй клеветы́; ра́дуйся, непра́ведныя разруша́яй советы́.

Ра́дуйся, растерза́яй лжу, я́ко паучи́ну; ра́дуйся, возноша́яй сла́вно и́стину.

Ра́дуйся, непови́нных от уз разреше́ние; ра́дуйся, и мертвецéв оживле́ние.

Ра́дуйся, проявителью́ пра́вды; ра́дуйся, помрачи́телю непра́вды.

Ра́дуйся, я́ко тобо́ю непови́ннии изба́влени от мечá; ра́дуйся, я́ко тобо́ю наслади́шася све́та.

Рáдуйся, Никóлае, вели́кий чудотво́рче.

Конда́к 7

Хотя́ богоху́льное еретическое хотгна́ти злосра́дие, ми́ро вои́стину благово́нное, та́инственное яви́лся еси́, Никóлае: лю́ди мирéйския упáсл еси́ и весь мир своимъ благодáтным ми́ром испóлнил еси́. И от нас у́бо богомёрзкое грехóвное злосра́дие отжени́, да благоприя́тно Бо́гу вопи́ем: Аллилу́ия.

И́кос 7

Новаго́ тя Но́я, наста́вника ко́вчега спаси́тельного, разумее́м, о́тче святы́й Никóлае, бу́рю всех

лю́тых разгоня́ющего направле́нием своимъ, ти́шину же Божéственную принося́щаго вопи́ющим такова́я:

Рáдуйся, обурева́емых ти́хое пристáнище; рáдуйся, утопа́ющих изве́стное храни́лище.

Рáдуйся, пла́вающих посреде́ пучи́н до́брый ко́рмчий; рáдуйся, трево́лнения морска́я уставля́ющий.

Рáдуйся, превожде́ние су́щих в ви́хрех; рáдуйся, согре́яние су́щих во мра́зех.

Рáдуйся, сия́ние, ско́рбный мрак разгоня́ющее; рáдуйся, свети́ло, вся концы́ земли́ просвещáющее.

Ра́дуйся, от бездны греховныя
челове́ки избавля́й; ра́дуйся, в
бездну а́дскую сатану́ вверга́й.

Ра́дуйся, я́ко тобо́ю дерзно-
ве́нно бездну милосе́рдия Бо́жия
призыва́ем; ра́дуйся, я́ко тобо́ю
от пото́па гне́ва изба́вльшеся,
мир с Бо́гом обрета́ем.

Ра́дуйся, Нико́лае, вели́кий
чудотво́рче.

Конда́к 8

Стра́нное чу́до явля́ется прите-
ка́ющим к тебе́, блаже́нне Ни-
ко́лае, священна́я тво́я це́рковь:
в ней бо и ма́лое моле́ние прино-
ся́ще, ве́лиих неду́гов прие́млем

исцеле́ние, а́ще то́кмо по Бо́зе
упова́ние на тя возложим, ве́рно
вопи́юще: Аллилу́ия.

И́кос 8

Весь еси́ всем войсти́ну помо́щ-
ник, богонóсе Нико́лае, и со-
бра́л еси́ вку́пе вся прибега́ющия
к тебе́, я́ко свободи́тель, пита́-
тель и врач ско́рый всем земны́м,
на похвалу́ всех подвиза́я, во-
пи́ти к тебе́ си́це:

Ра́дуйся, всяких исцелений ис-
то́чнице; ра́дуйся, лю́те стражду-
щим помо́щнице.

Ра́дуйся, заре́, сия́ющая в но́щи
грехо́вней блужда́ющим; ра́дуйся,